



**PARLAMENTO  
NACIONAL**  
República Democrática de Timor-Leste  
**Gabinete do Presidente**

**DISCURSO  
hussi**  
**PRESIDENTE PARLAMENTO NACIONAL**  
**DR. ADÉRITO HUGO DA COSTA**

Celebração Ioròn Consulta Popular  
30 de Agosto 1999

**Centro de Convenções de Díli**  
**30 de Agosto 2016**



**PARLAMENTO  
NACIONAL**  
República Democrática de Timor-Leste  
**Gabinete do Presidente**

*Ex.cia Convidado Sira,*

Dala ida tan ita tama iha loron histórico Timor-Leste nian, iha loron ne'e, 30 de Agosto 2016, ita hanoin dia 30 de Agosto 1999. Foin daudaun, bainhira ita celebra loron FALINTIL, iha dia 20 de Agosto 2016, iha quartel-general FALINTIL-FDTL, iha ha'u-nia mensagem ha'u hateten katak "ho espírito patriotismo no nacionalismo ne'ebé aas, FALINTIL, ho apoio máximo hussi povo, hamriik metin hassoru invasor sira ne'ebé iha momento ne'ebá hetan apoio maka'as huss inação boot sira iha mundo". Iha dia 30 de Agosto 1999, Povo terus-na'in, Povo mate resto sira, Povo pacienciador, Povo sira hatudu dala ida ita-nia consistência, maturidade política hodi determina futuro rain doben ba ukun rassik an. 17anos liubá, iha pressão nia okos, povo doben Timor-Leste ho ulun matenek hateten dala ita tan ba invasor sira katak sira mak determina sira-niafuturo. Futuro ne'e mak "*ukun rassik an*".

Processo atu to'o iha consulta popular ou referendo la'ós tempo ne'ebé badak. Antes ne'e, desde iha 1975 Indonésia invade Timor-Leste, iha petições ne'ebé Timoroan sira iha diáspora hato'o ba ONU liu hossi FRETILIN no UDT, Amo Belo no seluk-seluk tan. Ikus liu, liu hossi líder Resistência Falintil, liu hossi



**PARLAMENTO  
NACIONAL**  
República Democrática de Timor-Leste  
**Gabinete do Presidente**

Contacto Dame iha Lari-Gutu, Ossu 1983, liu hossi ita-nia Maun Boot Kay Rala Xanana Gusmão, Timor hato'o ona proposta ba Indonésia katak precisa halo referendo ida hodi resolve problema Timor-Leste. Maibé ita precisa tempo 24 anos mak itabele hetan ita-nia direito ba consulta popular. Ne'e significa katak objetivo hotu ne'ebé ita hakarak, la fácil atu ita hetan lalais maibé tem que atravessa processo naruk ida ne'ebé precisa ita-nia paciênciia. Ho razão ida-ne'e mak ita tem que cuidado ita nia ukun an ida-ne'e, cuidado ita-nia rain doben, cuidado ita-nia património histórico sira, cuidado ita-nia povo, cuidado ita-nia história ne'ebé nakonu ho sacrifícios. Hodi nune'e geraçao tuir mai bele tane ita-nia rain no banati tuir ita, lori ita-nia nação ida-ne'e ba dalan loos no di'ak liu.

Independência ne'ebé ita hetan ona, tem que fó beneficio maka'as ba ita nia população sira. Tanba ema matenek-na'in sira dehan katak "*independência la'ós de'it atu fó orgulho, maibé independência tem que implementa iha realidade hodi lori povo ba moris di'ak. Se independência ita só celebra de'it, laiha mudança ba povo nia moris, então nação ne'e só iha nia passado maibé laiha nia futuro*

.



**PARLAMENTO  
NACIONAL**  
República Democrática de Timor-Leste  
**Gabinete do Presidente**

*Excia Convidado sira,*

Depois de ukun rassik an, nação ida-ne'e, ho apoio ONU nian,hakat liu transição ida ne'ebé di'ak ba ita-nia rain. E ha'u hanoin katak ONU sucesso tebes halo nia papel transição ba ita-nia país. Experiência ONU iha Timor-Leste hanessan primeira vez ONU hala'o nia serbissu ho di'ak no sucesso boot. Ita iha progresso barak ne'ebé ita hetan ona iha de'it tempo badak nia laran. Ha'u mós hanoin katak ita nu'udar país ida ne'ebé iha experiência barak tebes precisa mós fahe ita-nia experiência sira-ne'e ba nação seluk ne'ebé to'o agora sei hetan sofrimento noconflito, externo, hanessan iha Guiné-Bissau, Sudão do Sul, República Centro-Africana, Iraque, Afeganistão no seluk-seluk tan iha Mundo. Através CPLP, g7+ no Fórum sira iha ASEAN, hanessan ASEAN People's Forum no fórum internacional sira seluk.

*Ex.cia Convidado sira,*

Depois de liu transição hussi ONU, ita tama iha restauração independência iha dia 20 de Maio 2002, povo doben Timor-Leste mós hetan problema barak iha aspetto económico, social, político no instabilidade maibé, ho maturidade ne'ebé maka'as liu ona, povo consciente katak iha desafio barak mak



**PARLAMENTO  
NACIONAL**  
República Democrática de Timor-Leste  
**Gabinete do Presidente**

ita enfrenta agorano iha futuro. Desafio sira-ne'e ita hakat liu ho sucesso tebes.

Ita mós hakotu ciclo conflito sira cada tinan 2, por exemplo conflito Dezembro 2002, 2004, crise 2006, atentado iha 2008. Iha tinan 2010, Estado, ho esforço maka'as no orgulho, hakotu ciclo conflito refere hodi lança moto ida “Adeus Conflito, Bem-vindo Desenvolvimento”. Experiência di’ak ne’ebé ita hetan hussi esforço sira ne'e hotu mak “*desafio sira-ne'e ita hakat liu hamutuk, só hamutuk mak ita la'o ho sucesso ba oin*”.

*Ex.cia Convidado sira,*

Ita-nia povo liu ona hussi situação ida ne’ebé sussar tebes, tanba ne'e mak desenvolvimento tem que la'o ba oin lailais mas lolos, para ita bele muda ita-nia povo nia moris ba moris di’ak. Nune'e mak atu desenvolvimento la'o di’ak, ita hotu, hussi líder nacional sira to'o povo tomak,t em que contribui maka'as cria estabilidade, tanto estabilidade política como estabilidade segurança nian. Só estabilidade política no segurança ne’ebé metin mak bele fó garantia ba desenvolvimento ba ita-nia rain.



**PARLAMENTO  
NACIONAL**  
República Democrática de Timor-Leste  
**Gabinete do Presidente**

Ex.cia Sira,

Dala ida tan ha'u hato'o parabéns ba povo Timor Leste tomak iha  
**Área Fronteira;**

Hanessan Citrana iha Oe-Cusse,  
Tilomar iha Suai,  
Bobonaro no mós iha Jaco, Lautém,

**Povo ne'ebé iha foho** Ramelau, Matebian, Kablaki nia tutun,

**Povo iha Áreas Remotas iha** Luro, Iliómar, Uatucarbau, Atsabe, Haubá no seluk-seluk tan.

Ikus liu ha'u mós lahaluha hato'o ha'u-nia agradecimento ba Comissão Organizadora hussi Ministério da Administração Estatal ne'ebé organiza evento ida-ne'e.

**Obrigado wa'in.**